


Paxlovid

(Pu'aki 'pak-si-lou-vit')



Ko e Paxlovid 'oku 'oange ia ki he kakai 'e ni'hi ke tokoni ki hono tau'i 'o e vailasi COVID-19. 'E malava ke tokoni kiate koe ke vave ange 'a ho'o sai' pea 'ikai ke ke 'alu ki falemahaki.

'Oku ngaohi 'a e Paxlovid mei he faito'o tāmāte vailasi 'e ua. Ko e taimi 'oku folo fakataha ai kināua', tena lava 'o fakasi'isi'i 'a e lahi 'o e vailasi 'i ho sino'. 'Oku 'aonga pe 'a e Paxlovid ia 'o kapau 'e ngāue'aki 'i loto 'i he 'aho 'e 5 mei he kamata ho'o puke 'i he COVID-19, ko ia 'e toki faitu'utu'uni 'a e toketā pe 'oku ke fiema'u pē 'ikai.

Koe fua 'oe lahi 'o e Paxlovid: Folo 'a e fo'i'akau 'e 3 tu'o ua 'i he 'aho 'e 5



Pongipongi kotoa pe

Folo 'a e fo'iakau pingikī 'e 2 **TANAKI** mo e Foi'akau hinehina 'e 1



Efiafi kotoa pe

Folo 'a e fo'i'akau pingikī 'e 2 **TANAKI** mo e Foi'akau hinehina 'e 1

Fakakakato 'a e taimi ki he faito'o, 'a ia ko e **'aho 'e 5**.

'E lava ke ke folo ho'o 'u fo'i'akau' fakataha mo ha me'akai pe 'ikai.

'Oku 'ikai totonu ke tuku ho'o folo 'a e Paxlovid kae 'oualeva keke talanoa ki ho'o kautaha ki he mo'ui lelei, neongo kapau kuo ke ongo'i sai ange.

Fakahā ki ho'o kautaha ki he mo'ui lelei 'a e ngaahi faito'o 'oku ke ngāue'aki'

'Oku 'i ai 'a e ngaahi faito'o kehe 'e 'ikai lava ke ngāue lelei fakataha mo e Paxlovid pea kapau e folo fakataha 'e malava ke fakatupu ai ha faingata'a lahi 'aupito.

- Fakahā ki ho'o toketā pe tokotaha hu'ivai' (pharmacist) kapau 'oku ke lolotonga folo pe ngāue'aki kimui' ni mai ha toe faito'o kehe, kau ki ai 'a e ngaahi faito'o fakangofua mei he toketā, faito'o 'oku fakatau pe he kaninta', vaitamini pe ngaahi fo'i'akau ngaahi mei he 'akau' (hangē ko e, St. John's Wort).
- 'Oua na'a ke kamata ngāue'aki ha faito'o fo'ou te'eki ai ke fakahā ki ho'o kautaha tokanga'i 'a e mo'ui lelei. 'E lava ke fakahā atu 'e ho'o kautaha tokanga ki he mo'ui lelei kapau 'oku sai/malu pe ke folo 'a e Paxlovid fakataha mo e ngaahi faito'o kehe'.

Kapau kuo ngalo ke folo



Kapau na 'e ngalo ke folo 'i **loto 'i he houa 'e 8** mei he taimi folo anga maheni', folo leva 'i he vave taha'i ho'o manatu'i' pē.



Kapau e ngalo ke folo 'o **laka hake 'i he houa 'e 8**, 'oua 'e toe folo ia, toki folo pē 'i he taimi folo hono hoko anga maheni'.



'Oua 'e fakalahi 'a e folo 'o e Paxlovid koe'uhi' ke fetongi'aki ha taimi folo na 'e ngalo.



Ko e ngaahi uesia kovi faingata'a, tātātaha mo angamaheni 'oku hiki ia 'i he peesi hono hoko'

‘Oku ke feitama pe feinga ke ma‘u ha pēpē?



Kapau ‘oku ke feitama, pe fakakaukau ‘oku ke feitama, pē palani ke ‘i ai ha pēpē, ‘oua na‘a ke folo ‘a e Paxlovid.

Kumi fale‘i mei ho‘o toketā he ‘oku ‘ikai lelei ke ngāue‘aki ‘a e Paxlovid i he taimi feitama’.

‘Oku totonu ke faka‘ehi‘ehi ‘a e kakai fefine’ mei he feitama’ (ie, ngāue‘aki ‘a e fakavahavahafanau pē faka‘ehi‘ehi mei he ‘ekitivitī fakasekisualo) lolotonga ‘a hono folo ‘o e Paxlovid pea a‘u ki he ‘aho ‘e 7 hili ‘a e ‘osi ‘a e faito‘o’.

‘Oku fu‘u mahu‘inga ‘aupito ‘a e fakavahavahafanau’

Kapau oku ke ngāue‘aki ha fo‘i‘akau fakavahavahafanau’, ‘oku fiema‘u ‘a e tokanga makehe he ‘e lava ke uesia ‘e he Paxlovid ‘a e anga ‘enau ngāue.

‘Oku fokotu‘u atu ke ‘oua na‘a fai ha ha ngaahi ‘ekitivitī fakasekisualo, pē ngāue‘aki ‘a e konitomu’ pe ko ho‘o me‘a fakavahavahafanau anga maheni’, lolotonga ‘a ho‘o folo ‘a e Paxlovid pea ‘au ki he ‘aho ‘e 7 hili ‘a e faito‘o’.

Kole fale‘i mei ho‘o toketā’ pe ko e tokotaha talavaí.

‘Oku ke lolotonga fakahuu?

‘Oku ‘ikai ke fokotu‘u atu ‘a e fakahuu’ lolotonga ‘a e faito‘o’ pea a‘u ki he ‘aho ‘e 7 hili ‘a e folo faka‘osi ‘o e Paxlovid.

Fakahā ki he kautaha tokanga‘i ‘a e mo‘ui lelei ‘oku ke lolotonga fakahuu KIMU‘A pea toki ngāue‘aki ‘a e faito‘o ko ‘eni’.

 Ki ha toe fakamatala fekau‘aki mo e Paxlovid, vakai ki he hn.org.nz/paxlovid

Ko e faito‘o kotoa pē ‘oku ‘i ai hono ngaahi ola kovi

‘E malava ke fakatupu ‘e he Paxlovid ‘a e ngaahi nunu‘a kovi, neongo ‘e ‘ikai uesia ‘a e tokotaha kotoa.

Ngaahi uesia kovi anga maheni

Ko e ngaahi me‘a ni ‘oku fa‘a tō ma‘ama‘a pe, pea ‘e mole pe ‘iate ia pe, pē ‘i he taimi ‘e ta‘ofi ai ‘a e faito‘o’. Fakahā ki ho‘o toketā kapau ‘oku fakatupu palopalema pe ‘ikai ke mole:

- vai ‘a e tu‘umama‘o’ (fakalele)
- puke (lua)
- feliliuaki ki ho‘o u‘a’.

Nunu‘a kovi faingata‘a, tātātaha

Fetu‘utaki ki ho‘o timi tokanga ki he mo‘ui lelei pe ki he **Healthline ‘i he 0800 611 116** ‘i he vave taha’ kapau te ke fakatokanga‘i ‘a e ngaahi ola kovi ko‘eni’ pea ke fakahā kiate kinautolu ‘oku ke folo Paxlovid:

- **ngaahi faka‘ilonga ‘oku kovi ki he sino‘hangē ko e:**
 - veli ‘a e kili
 - fufula ‘a e laumata pe takatakai ‘i he ongo mata’, mata, loungutu pe ‘elelo
 - maha‘iha‘i ‘a e fatafata pea faingata‘a ‘a e mānava’.
- **ngaahi faka‘ilonga ‘o e palopalema ‘o e ‘ate’ hangē ko e:**
 - lanu engeenga ‘a e mata’ pe kili’
 - lanu fakapōpō‘uli ‘a e tu‘uofi
 - mamahi ‘a e kongā ki ‘olunga ‘o e kete’.